

張仲景先生

傷寒一百十三方發明

六



张仲景先生伤寒一百十三方发明

清·徐彬撰

中医古籍出版社出版

河北省涿水县上车站印刷厂印刷

北京中医学院图书馆发行

一九八八年五月第一版第一次印刷

ISBN


书号 7-80013-223-4/R·223

定价：180元



序

仲景傷寒書久矣後學規
繩但後人編次稍雜非精
心積久經證之間編次混
亂學者每苦望洋自新建



喻嘉言先生傷寒尚論一
爲提正使仲景論證設方
之意因之益顯使後學讀
之心開目朗毫無疑義其
爲將來不刊之書不待言



矣。狀原方一百十三未經
比類，闡發能令人從證認
方，不能令人從方推測而
通之於百千變證百千方
治，予故有一百十三方發



明廼復就尚論所定仲景
傷寒原文之編次另成一
帙附行俾從來相習之耳
目忽朕更新不嫌檢查之
難讀我方論者逐證對看

可免影響之惑是喻先

生尚論與余之一百十三

方發明雖分而實合也

是爲不佞發明方論之案

可也

喻先生尚

論之總目可也若喻先

生問答十五條及不佞答

門人問一條辨析疑義亦

可以發醫學之覆并附諸

梓以公同好云



皆

康熙歲次戊申林鍾月禱

李徐彬忠可父拜述



喻嘉言先生傷寒尚論篇編次仲景原文

太陽經上篇

凡風傷衛之證列於此篇
法五十三條

①太陽之為病脉浮頭項強痛而惡寒

②病有發熱惡寒者發於陽也無熱惡寒者發於陰也發於陽者七日愈發於陰者六日愈以陽數七陰數六也

③太陽病頭痛至七日已上自愈者以行其經盡故也若欲再作經者鍼足陽明使經不傳則愈

④太陽病欲解時從巳至未上



(五) 欲自解者，必當先煩，乃有汗而解。何以知之？脈浮，故知汗出解也。

(六) 太陽病發熱，汗出惡風，脈緩者，名爲中風。

(七) 太陽中風，陽浮而陰弱。陽浮者，熱自發；陰弱者，汗自出。啻啻惡寒，淅淅惡風，翕翕發熱，鼻鳴乾嘔者，桂枝湯主之。

(八) 桂枝本爲解肌。若其人脈浮緊發熱，汗不出者，不可與也。當須識此，勿令誤也。

(九) 凡服桂枝湯吐者，其後必吐膿血也。



酒客病不可與桂枝得湯則嘔以酒客不喜甘故也

(十)發汗後水藥不得入口爲逆若更發汗必吐下不止

(十一)太陽病頭痛發熱汗出惡風者桂枝湯主之

(十二)太陽病外證未解脈浮弱者當以汗解宜桂枝湯

(十三)太陽病發熱汗出者此爲營弱衛強故使汗出欲

救邪風者宜桂枝湯主之

(十四)病人藏無他病時發熱自汗出而不愈者此爲衛

氣不和也。先其時發汗，則愈。宜桂枝湯主之。

(六) 病嘗自汗出者，此爲營氣和，營氣和者，外不諧以

衛氣不共營氣和諧，故爾以營行脈中，衛行脈外。

復發其汗，營衛和，則愈。宜桂枝湯。

(七) 太陽病初服桂枝湯反煩不解者，先刺風池、風府。

却與桂枝湯，則愈。

(八) 風家表解而不了了者，十二日愈。

(九) 中風發熱六七日不解而煩，有表裏證，渴欲飲水，水入則吐者，名曰水逆。五苓散主之。多服煖水，汗

出愈

(下) 太陽病發汗後。大汗出。胃中乾。煩燥。不得眠。欲得飲水者。少少與飲之。令胃氣和。則愈。若脈浮。小便不利。微熱。消渴者。與五苓散主之。

(主) 太陽病發汗。汗出不解。其人仍發熱。心下悸。頭眩。身瞤動。振振欲擗地者。真武湯主之。

(主) 太陽病發汗。遂漏不止。其人惡風。小便難。四肢微急。難以屈伸者。桂枝加附子湯主之。

(主) 太陽病中風。以火劫發汗。邪風被火熱。血氣流溢。

失其膏度。兩陽相熏灼。其身發黃。陽盛則欲嘔。陰虛則小便難。陰陽俱虛。竭身體則枯燥。但頭汗出。劑頸而還。腹滿而喘。口乾咽爛。或不大便。久則譫語。甚者至噦。手足躁擾。捻衣摸牀。小便利者。其人可治。

④太陽病。二日反躁。反刺其背。而大汗出。大熱入胃。胃中水竭。躁煩必發譫語。十餘日振慄。自下利者。此為欲解也。故其汗從腰已下不得汗。欲小便不得。反嘔欲失溲。足下惡風。大便鞭。小便當數而反

不數及多，大便已，頭卓然而痛，其人足心必熱，穀一氣下流，故也。

〔五〕太陽病，以火熏之，不得汗，其人必躁，到經不解，必圜血，名爲火邪。

〔六〕微數之脈，慎不可灸，因火爲邪，則爲煩逆，追虛逐實，血散脈中，火氣雖微，內攻有力，焦骨傷筋，血難復也。

〔七〕燒鍼令其汗，鍼處被寒，核起而赤者，必發奔豚，氣從少腹上衝心者，灸其核上各一壯，與桂枝加桂

湯更加桂

⑤太陽病。當惡寒發熱。今自汗出。不惡寒發熱。關上脉細數者。以醫吐之過也。一二日吐之者。腹中飢。口不能食。三四日吐之者。不喜糜粥。欲食冷食。朝食暮吐。以醫吐之所致。此為小逆。

⑥太陽病吐之。但太陽病。當惡寒。今反不惡寒。不欲近衣。此為吐之內煩也。

⑦太陽病外證未解者。不可下也。下之為逆。欲解外者。宜桂枝湯主之。

